

嘗聞之先哲云不爲良相則爲良醫誠以
相可以澤及生民而醫可以救濟人命功
甚鉅也吾友孫子淇竹生而穎異甫弱冠
蜚聲庠序與池陽夏子禹鑄相友善夏子
雖登賢書不樂仕進而人惟以濟世存心
不以富貴功名爲念知相之不可以倖致
也同繼父志業岐黃術每念嬰兒有疾口
不能言故于幼科尤爲研究凡二子所到

之處治病輒有功全活不計其數恨其足
跡不能遍天下功不能垂後世于是夏子
于壬申歲出其胸中學問著鉄鏡一書孫
子于丁酉春刊痘疹一貫凡幼科之精奧
悉備于斯因鉄鏡板藏貴池恐不能傳宇
內孫子又附刊于一貫之末使傳之當時
流之奕禩眞仁人君子之用心也世之習
幼科者果能于一貫鉄鏡之書盡心講習

則治病無疑難之症嬰兒乏夭札之悲俾
億萬世咸登壽域是又與相之功在一時
者不可同日而語矣是爲序

時

康熙五十六年歲次丁酉同學愚弟洪大
紀題于京邸



序

聶父吾先生者前明進士夙精醫學任福建令歸著藥書惟痘疹一書極爲精明吾皖歐陽子易生得之授于孫子淇竹受之得心應手活人甚衆因遊京師以思廣濟夫京師之地圖功名者之所爭集也淇竹功名之念絕不縈懷即生平攻苦所得並無鷄肋之戀然猶慮一人之救濟有限聶

氏之道又恐久而失傳於是附以己案意
取一貫勉力剖劘以公於世而傳無窮其
歷年所經效可立案者難以數紀茲數案
之附又於久吾之方推廣變通獲效因約
畧續之以破世俗拘執之見孫子之周詳
慎重誠有合乎古仁人君子之道也余因
是益服其用心之公而佩其立志之遠何
以見其心之公也人有習醫多年而苦於

無傳或得其傳往往視爲已出不欲公之天下雖前有美而弗彰後亦不得其傳此好利之徒無物我一體之念視淇竹之博愛廣濟表前功而開後學者其相去為何如也又奚以見其志之遠也以彼之行道有效久爲王公大人之所推服挾是以取功名可操券而得也淇竹卒不屑屑以干微名維日切切以思濟世雖古之良相不

過是也此其志豈在人尋常耳目間哉吾
願世之見是書者當究心聶氏之認症用
藥細閱孫案之前後合轍互相參驗一以
貫通于心臨嬰兒危險順逆之症到眼即
明用藥悉當人間無枉死之兒醫家有天
地父母之德矣獨是淇竹之道固藉久吾
之書而行久吾之書更賴淇竹之案而著
自可並傳于不朽也是爲序

恒心堂序

古之論幼科者多憑診手上六脉看虎口
三關筋紋後人咸宗之余兩世專業幼科
宗此按症往往有應有不應者余竭力殫
心因疑得悟每臨小兒之症望氣色審苗
竅獨覺得心應手用藥之效如響應聲意
欲著書傳世但恨稽之古人之書未有以
望為主者竊恐余書一出人或以為妄而

不信甚負余心也壬申歲池陽夏子鍊鏡
書出唯以望氣色苗竅爲主不徒憑手上
六脉與三關節紋其書中辯論最詳余得
其書展卷細閱與余意實有相合惜其板
藏池陽不能遍傳海內余欲付梓代爲廣
傳久有志而未逮也今勉力付梓願讀是
書者當細心研究望形察症而用藥庶幾
當而通神百不失一其有功於嬰兒不小

也如是則夏子之書不朽而余之志亦樂
以共見也夫

皆

康熙伍拾陸年歲次丁酉仲春月上浣之
吉

江南皖城太湖縣孫斐然淇竹氏書於
燕臺之旅寓

痘疹一貫自序

夫醫者仁術也仁者愛人當體天地好生之德俾人人不致悞死益壽延齡始可以言行術世之遵斯道者蓋可忽乎哉余幼習舉業早入邑庠因家君業醫活人甚衆濟世之心日亦不足命余兼習醫道以廣濟世之志余是以意薄功名志切醫學凡古人所著方書症與脉對藥與病合一

一取而錄之且於幼科更加刻意承先
外祖毆陽公諱炯字易生 舅氏諱先字
子林手授痘疹一部係江右明進士 聶
久吾先生之書其書精詳簡約令人開卷
明白認症與用藥真通神妙有起死回生
之功可謂濟世之仁人也余受書之後揣
摩有年漸覺心領神會不但皖江里曲臨
症用藥得心應手及游各省名區治症如

響游學

京師十餘年來一切疑難之症

無不輒應其間死變爲生殤化爲彭生生之意皆久吾先生之德吾外祖舅氏之功家君濟世之念所致也於小子何與焉雖然不悞二字吾知免夫惜余五十有七矣即令此身百年僅一手足之力焉得人人而濟之若不刊布此書廣傳仁愛何以副濟世之志哉用是遍告活嬰之家謀諸同

志以刊於梓在先生之書固已精詳簡約
雖前行世未及遍傳不肖者又匿爲秘藏
而所立之方又未載明分兩蓋兒有大小
之不同症有順險逆之各異會意者自得
其神妙不會意者執方而不變通則險者
既殞其命而逆者又安望其生乎且京師
痘疹之家不察醫之庸與明必先請求馬
輕肥炫耀於市俗者一臨症束手無策於

險逆復請治於余余曰症雖險逆當盡人事以聽天須於平常藥劑之外多加分兩雖紅紫成片者灰白虛寒者即至險逆之症屢治屢驗比時以用藥過多議余及成功又咸稱余用藥之妙余曰否否余之辨症之清用藥之當實得於久吾先生之二三日蘇發鬆肌出透之義四五日清毒活血以及六七八九日大劑溫補之力其如

人不會心於書理暴棄悞世也然余尤有憾焉者一恨射利之庸醫失治於六日之前者有之又恨痘當溫補之時而窮苦無力者有之更有恨者痘用大劑黃連與人參皆萬不得已而用耳市俗無傳少學之流妄議用連多則後用參亦必多嗟呼病到至險逆之候特患治之不濟尚畏其多耶至於黃耆古人雖云不可太早因痘未

出齊而云爾余每於出齊之際或四天半
或五天即用生黃著者何也蓋毒盛血熱
氣滯之症苟徒清毒活血若不早行其氣
恐痘反冰伏不但起漿難而長亦難所以
早加於清毒活血湯內使熱散領血歸於
氣分則長易而行漿更易無知庸夫謬言
提漿太早以駭其嬰兒之父母彼蓋不知
此義責之似無益也第恐聳惑時人有悞